


# Xisekwana xo biha



Manana Sekwa u tshama na  
ndyangu wa yena epurasini.  
Manana Sekwa u fukamerile  
matandza ya nkombo lama  
a ma yimeleke leswaku ya  
tlhotlhorpha.

I nkarhi wa leswaku matandza  
ya mina ya tlhotlhhorha. Ndzi  
lava ku vona swisekwana swa  
mina swa nkombo.



Kutani hi rin'werin'we matandza  
ya tlhotlhorha handle ka rin'we  
lerikulu swinene.

"Xewani! Hi mina Fulafi," ku vula  
xisekwana xo sungula.

"Hi mina Tshepo," ku vula xisekwana  
lexi xa ha ku tlhotlhorhaka.

"Hi mina Zaza", "Hi mina Niki," ku  
vula swin'wana swimbirhi.

"Misava i yikulu swinene!" ku  
hlometela swisekwana.

A ndzi swi tivi leswaku tandza  
lerikulu ri ta tlhotlhorpha rini.  
Hambi xisekwana xo hetelela  
xi ta va njhani.



Manana Sekwa a fukamela a  
tlhela a fukamela tandza lerikulu.  
Dyambu ri sungula ku pela.

Eku heteleleni tandza ri  
tlhotlhorpha. Xisekwana xo  
hetelela xi tlula xi huma.

I xikulu no tiyela kambe a xi  
fani na swisekwana leswi swi  
tlhotlhorphheke.



Ndzi humile!  
Misava ley i yikulu!

Siku leri landzelaka nimixo manana sekwa u famba na swisekwana swa yena exidan'wanini.

"Langutani sekwa ro hetelela! I xisekwana xo hlamarisa!" ku huwelela N'wahanci.

"Ha ha ha! I xisekwana xo hlekisa," ku hleka N'wahomu.


Hatlisani vana, hi ya eku  
hlambeleni.




Hi xihatla swisekwana swa  
nkombo swi tlulela endzeni ka  
xidan'wana. Swi hlamberile, swi  
ticheletela hi mati swi tlhela swi  
nyupela endzeni ka mati.



Lexi hlamarisaka hi leswaku  
xisekwana xo biha xi  
hlambela ku tlula swisekwana  
leswin'wana.





Xisekwana xo biha a xi tsakangi hi  
ku tshama epurasini.  
Swiharhi swin'wana swi venga  
no hlekula xisekwana xo biha.  
Mimbhaha ya xi jovotela na  
timbyana ta xi vukula.  
"Va ndzi chava no ndzi nyefula  
hikuva ndzi bihile," xi vulavula xi ri  
xoxe.



Hi vusiku byin'wana xisekwana  
xo biha xi baleka xi famba.

"Hinkwavo va ndzi venga. Ndza  
ha tsutsuma ndzi famba," xi  
vulavula xi ri xoxe.



Xisekwana xi famba xi  
kongoma enambyeni laha  
xi voneke swinyenyana swo  
tala swo saseka swi ri karhi  
swi hlambela. Tinsiva ta  
swona to rhetela kunene.

Swi na tinhamu to leha.  
Timpiko ta swona ti kuputa  
kahle loko swi haha.

"Ndzi navela ku tlanga na  
vona. Va sasekile swinene.  
Ndzi bihile ngopfu," ku vula  
xisekwana hi ku twa ku vava.






Gamboko yi sungula ku wa  
naswona hi xinkadyana swilo  
hinkwaswo a swi ri swo basa.

Ka titimela swinene naswona  
nambu wu hundzukile ayisi.

Xisekwana mbuya, xi twa xirhami  
no tlhela xi nga ha tiphini. "Ndzi  
fanele ku tumbela," ku vula  
xisekwana.




... Kutani ku fika ximun'wana.  
Dyambu ri phatima nakambe,  
mirhi i ya rihlaza yi tlhela yi  
tsakisa.

Siku rin'wana nimpundzu  
xikukwana xi tifambahfambela  
xi ya enambyeni laha xi vonaka  
nakambe magalakuni yo saseka.



Xi languta magalakuni xi tlhela  
xi titwa xi nga tsakangi. Xi  
sungula ku rila.  
“Ndzi bihile swinene, ndzi ndzexe.  
Ndzi pfumala vanghana.”



Loko xi ri karhi xi rila xi languta  
ehansi exikarhi ka mihloti ya  
xona. Xi vona ndzhuti wa xona  
ematini.


“Xana hi mina?” xi vutisa.

“Ndzi galakuni!”

Hi nkarhi wolowo magalakuni  
man'wana ya hlambela ya  
hundza.

Ya vitana xisekwana xo biha ku  
ta hlambela na wona.

Xisekwana xi tlulela ematini.  
Xi hanya hi ntsako exikarhi ka  
magalakuni yo saseka.



Tana u ta hlambela na hina.  
U galakuni, ku fana na hina.  
U sasekile swinene ku tlula  
magalakuni hinkwawo.

# Micingiriko ya ku hlaya hi mitlawa



1 Vulavula hi xitori.

- Xana u xi tsakerile xitori lexi? Seketela nhlamulo ya wena.
- Xana matandza ya tlhotlhorphile hi nguva yihi? Hikwalaho ka yini u vula sweswo?
- U ehleketa leswaku xisekwana xo biha a xi bihile ha kunene?



2 Hetisa micingiriko leyji landzelaka.

- Lava marito exitorini lama nga na mipfumawulo leyji landzelaka u tlhela u ma tsala. kw- hl- tl- ny- -ch
- Tsala swivulwa leswi landzelaka eka nkarhi lowu nga hundza.

Matandza ya tlhotlhorphha kutani ku tlula ku huma xisekwana.

Xisekwana xa hlambela no ticheletela hi mati.

- Hikahata swivulwa leswi landzelaka hi mfanelo.

• , ? !

“ ”

” ”

ndzi ta baleka ku vula xisekwana

ha ha langutani xisekwana xo hlekisa ku vula n'wahomu


xana u yini, u xisekwana kumbe galakuni

- Tsala mahetelelo lamantshwa ya xitori hi swivulwa swa mune kumbe swa ntlhanu. Dirowa xifaniso lexi fambisanaka na mahetelelo lamantshwa.



3

Tirha na munghana wa wena mi xiya swifaniso leswimbirhi. Langutani leswaku mi nga kuma swilo swingani swo hambana.



4

Pananisa swiharhi leswi landzelaka na vana va swona.

sekwa
nguluve
homu
mbyana
ximanga
galakuni
nghala
xinyenyana
mbhaha



rhole
xisekwana
xikukwana
vondlo
xinghalana
ximanganyana
ximbyanyana
xingulubyana
xigalakunana




5

Hlaya phositara u tlhela u bula hi  
yona na munghana wa wena.



## Timfanelo ta vana

Vana vo tala a va hlayisiwi, va xanisiwa, va  
vavisiwa no rhukaniwa. Un'wana na un'wana  
loyi a ku alelaka hi timfanelo ta wena u  
tshova nawu.



Vana hinkwavo va na mfanelo yo kuma  
rirhandzu, ku twisisiwa no hlayisiwa.

Va na mfanelo yo kuma dyondzo,  
ya ku tlanga no hungasa.

Va na mfanelo yo kuma swakudya  
leswi faneleke, mfanelo yo va na  
kaya no khomiwa hi ndlela ya kahle.

Va na mfanelo yo kuma vutshunguri no  
sirheleriwa eka ku xanisiwa no va va nga hlayisiwi.

Va na mfanelo yo hanya eka mbangu  
lowu tengeke.